

十四

禮記

新安文獻志卷五十一上

古詩五言

和崔侍御日用遊開化寺閣

吳侍御

左憲多材雄故人尤鷲鷲護贈單于使休軺太原郭館次厭煩歌清懷  
尋寂寞西緣十里餘北上開化閣初入雲樹間冥濛未昭廓漸出闌視  
外萬里秋景焯歲晏風落山天寒水歸壑覽物頌幽果至乘動玄鑰但  
敷利解言不用忘昏著規文苑華

查公山詩

查侍御

大道貴知止昔賢稱二疎今來我季方退身茲有餘瀟灑云桎梏放蕩  
狎樵漁疏泉離遠霄鑿石構層廬溪禽拂窻牖山花滿庭除寒藤繫舟  
艫碧潭澄素舒覩茲塵壒外始見仁智居痛哉方散適溘然歸丘墟恨  
不同老彭其樂永只且自古千祿輩知進不知退立事名雖揚全身理  
何昧茂先賦鷓鴣體物知顯晦日禍自速臨刑無以對李斯戀富貴

甲集

下包周身智及憶東門犬已棄咸陽市平子著歸田淵明捨彭澤後來  
區區人誰復挂書冊我喜從今云吾宗有逋客山號查公山嵎嶼雲漢  
間山下查公塚溪聲長潺潺高臺好悵望絕磴堪躋攀他年謝簪紱永  
此繼閑閑天聖丙寅歲仲春月姪守監察御史元方題○嘗公撤訪方  
知進不知退予三讀之不能已已惜無好事者傳之俾士大夫得斯  
語因鑿石書之嘉祐庚子孟夏二十日朝奉郎尚書都官員外郎知歙  
州婺源縣事兼兵馬都監上  
騎都尉賜緋魚袋周頌書

避地山亭野步

汪龍溪

今日幸無雨天空出遙岑行行不知疲遂至春江潯汲露轉籬落人家  
在桑陰平疇漲清波隴麥如人深溝畎戲鳧鷖新蒲映浮沉我生本樵  
漁對此諧初心風物豈不好悲來自難任胡塵時中原四海如驚禽黃  
屋狩萬里兩宮隔辰參龍移蟻蟻窺月晦蟾蜍侵宇宙有傾覆茲游豈  
嘔嶽銷憂賴濁醪大息誰能甚尚書孫公觀曰汪公詩律高妙

次高郵車

汪龍溪

小雨靜林麓鶉鳩相應鳴移舟漾清深薄晚荷氣生歸鳥盡飛去  
時一驚菰蒲若無人渺渺炊煙橫渡子擬迎我携魚薦南亭月出殊未  
高踈林隱微明休投會有處斗掛天邊城

送崔閑歸廬山二首

程北山

白露下脩竹當窻作秋聲冷然拂商絃客子中夜驚恨衣一長嘯下頰  
如飛星昔者去草堂新松陰軒榮別來今十年霜華著青青想見溜雨  
姿森蒼舞蛟鯨歸歟當及健羈栖亦何營

吾友胡少汲結廬皖公城嵩山有小隱背負紫翠屏前臨一溪水可以  
濯我纓欲分青山半留我谷口耕信美非吾鄉翩然遂宵征聞君草堂  
處亦復占地靈虛簷倚蒼崖下有玉澗鳴樂哉不可到因君懷友生

山中對酒

程北山

秋容澹青山爽秀雨皆足清溪照千仞空翠疑可掬何年顧兔窟桂子  
墮山腹老者散深林屑玉綴黃粟朝來客衣動一葉下空谷客心如焚

絲日月共煩促宵中尚磊塊陶寫賴新淥要當酒千鍾澆我愁萬斛願  
有獨醒人愴然倚枯木

裴晉公畫像分韻得我字

程北山

晉公護河東身退勢亦左憂心劇饑渴讜議抗鬼瑣居朝重九鼎下賊  
飛一箭淮西彈九地孺子甚么麼發兵本無難萬口無一可平淮取淄  
青如掇掌中果折衝乃餘事世論豈知我天方厭唐德莫救蕭牆禍空  
餘立禱詩千古幽淚墮

炕寢三十韻

朱奉使

風土南北殊習尚非一躅出疆雖仗節入國暫同俗淹留歲再殘朔雪  
滿崖谷禦冬貂裘弊一炕且跼伏西山石為薪黯色驚射目方熾絕可  
適將盡還自續飛飛湧玄雲酸醎積紅玉稍疑雷出地又似風薄木誰  
容鼠棲冰信是龍銜燭陽曦助喘息未室搖空腹惠氣生袴襦仍下  
拳足豈惟脫膚鱗兼復平體粟有暄那用詫執熱定思沃收功

較德比時燠雖餘炙手熾寧有爛額酷矧當凝沍辰炎帝獨回轂玄冥  
真退聽祝融端可錄嗟予亦何者萬里歌黃鵠偃仰對窻扉妍暖謝衣  
襜壯懷羞鬻媚晚悟笑突曲因思墮指人暴露苦較豕頻年未解甲蹈  
此鋒刃毒遙知革輅中盱食安豆粥陪臣將命來意懇誠亦篤有奇不  
能吐何術止南牧君心想更切臣罪何由贖此身雖自温此志轉煩促  
論武貴止戈天必從人欲安得四海春永作蒼生福聊擬少陵翁秋風  
賦茅屋蘇文公曰公於詩雖嗜李義山而詞氣格力閒暇不躡其險怪奇澁之弊

別百一姪寄念二兄

朱奉使

昔我別汝父見汝立扶牀汝今已婚宦我鬢宜俱蒼向來青雲器不佩  
紫羅囊竹林我未孤玉樹汝非常青衫初一尉遠在子真鄉念將東南  
歸拜我溱洧傍上能論道義次猶及文章自慚老仍僻何以相激昂日  
暮嵩雲飛秋高塞鴻翔了知還家夢先汝渡江航迢迢建鄴水高臺下  
鳳凰鼻祖有故廬勿令草樹荒我欲種松菊繼此百年芳汝歸約吾兄

晚歲同耕桑請策葛陂龍來尋金華羊

寄題叔父池亭

朱獻靖公

一壑文藏勝數椽忽開亭方塘陰瓦影淨見魴鯉行主人有嘉招轉柁  
失高城不知幾搖兀找舟上崢嶸尊酒酌芳藻園蔬煮柔青翩翩射鴨  
弓一笑翻彩翎那知海陬姪斗粟忘歸耕餘生信萍梗歸夢識林垵漲  
水有回波故鄉豈無情一醉會有日因之濯塵纓傳祇自得曰韋高遠幽潔

有懷舍弟逢年時歸婺源以詩督之

朱獻靖公

木落天未霜君歸定何時相思如驚鵲中宵未安枝夢中見阿連鏘然  
詠新詩寤驚衰葉翻謂是步屨移攬衣下中庭風露浩森瀾遙知客衣  
薄歸來一何遲平生短檠燈相對忽解頤萬古一舒卷佳處良在茲是  
中及物心上與稷契期援古以自例自笑無乃癡夜叉叱九關側足不  
敢窺坐令一寸心日抱二柄疑遲君商畧此恐得兒輩嗤况乃綠髮親  
倚門鬢欲絲稀膏非鳳喙車轄庶可指拜詩百分斑衣舞參差秋芳

未云歌采采黃金鑿萬鍾不足樂古人豈吾欺

砂溪口望梨山

朱獻靖公

衆山如連環平野忽呀口孤峯插深雲氣壓萬培塿區區何足傑落落  
終自負我行清溪曲鶴立倚筇久拂衣竟何時塵土坐自垢長梯弄玉  
并奇字窺岫嶠心知不能去照水顏甲厚求懷山中人獨立誰與友神  
交解此意長嘯震林阜

休寧村落間有奇石如彈子滴所出者宜養石苜蒲程德藻許  
餽我以詩督之

朱獻靖公

君家綠溪上岸曲溪成渦渦間石無數水蹙相蕩磨誰嘗掬而戲一一  
印指螺我欲往取之擁此苜蒲築石罌注清汲幽姿發清哦夫子許餽  
我往督書已多願言速寄與起此泉石痾說誕有建安七子之風

感事

朱逢年

大弓竊陽氏神鼎淪泗淵何須識微士周魯必不全武庫一朝火斬蛇

逐飛煙傷心睨前事虜宜紛然  
山川非晉土悲泣効楚囚一語強自慰淒迷望神州刺史下荆水司農  
來石頭土園管夷吾過計非私憂

元規負康濟徒手嬰羣雄兵從歷陽來無地逃姦鋒誰乎死社稷千載  
一卜公英風與義氣建立成江東沈延之曰此三篇慨然見經世之志

自作挽歌辭

朱逢年

憂幽坐南軒萬壑取我囚疾雷且不聞焉知草虫愁強顏理編簡閱世  
如東流滔滔竟不返誰復操戈矛天涯念孤姪攜母依諸劉書來話悲  
辛心徃形輒留先坐託仙峯山僧掃梧楸二女隨母住外翁今白頭伯  
氏尚書郎名字騰九州仲兄中武舉氣欲無羌酋棗革一朝集荆樹三  
枝稠堂堂相繼去遺我歸山丘漆園夢方覺白衣雲正浮憑陵若蹈空  
何處停華輶故鄉豈不懷屋舍良身勿謀自我識廢興於天無怨尤平生  
喜聞詩此詩當挽謳不須生句實吾從二兄游沈延之曰此篇直欲友

非深於道者能如是乎

至日自序

云頃以多言善道絕不作詩兩日讀大學誠意  
有感至日之朝起書所以自嚴蓋不得已而有言云

朱文公

神心洞玄鑒好惡審薰蕕云何反自誑閑默還包羞今辰仲冬節霜  
得隱憂心知一寸光豈彼重泉幽朋來自茲始羣陰遯難留行迷亦已  
遠及此旋吾輶

淳熙戊戌七月廿九日早發潭溪西登雲谷取道芹溪友人丘  
子野留宿因題芹溪小隱以貽之作此以紀其事

朱文公

我來屏山下奔走倦僮僕亭亭日已中冠巾濕如沐訪我芹溪溪羽解裝  
留憩宿茗碗滷甘寒溫泉試新浴料撒神氣清散步藉筇竹蘆葦在瞻  
望隱隱見雲谷頓覺塵慮空豁然洗心目君居硯山西高隱志不俗窻  
几列琴書庭臯富花木徃來數相過主賓情意熟開尊酌香醪聲款話

衷曲從容出妙句滿幅粲珠玉邀約登赫曦襟期伴幽獨茲遊得良朋  
道義推前夙扁字為留題深愧毛錐禿

山北紀行十二章章八句

朱文公

祇役廬山陽矯首廬山陰雲峯不可覲碧澗何由尋昨朝解印章結友  
同窺臨盡彼巖壑勝滿茲仁知心宿羅漢二十八日宿白鹿二十九日  
登黃雲觀度三峽窺玉淵憩西澗飲西原宿臥龍四月一日過開先宿  
歸宗二月浴湯泉入康王谷觀水簾宿景德觀三日與清江劉清之宿  
澄永嘉張揚卿清史尋陽王阮南卿周頤龜父長樂林用中擇之洛陽  
趙希漢南紀會稽陳祖永慶長武當祁真卿師忠溫陵吳兼善仲達廬  
陵許子春景陽新安胡莘尹仲建安王朝春卿長樂余騰占俱行陳  
士直彥忠黃幹季直臨淮張彥先致遠會稽曾志南明老俱行陳  
事若何請從圓通說逶迤山門路稍禱脩篁列溪仍候家名屋是屏三  
設何救忝離歌喟焉傷覆轍以為寺無宅有但門徑竹木深茂可觀爾  
行達石門雨解驟寒澗東朝濟錦繡谷俯仰春冥濛懸泉忽琮瑋雜樹  
紛青紅屢憩小亭古幽探思無窮是夕宿所謂廣福菴者來日登山  
繡谷再過小橋橋背有竦身長林端策足層崖表仰瞻空界關

屢窺小天池西歛奎佛手東窺飛杖屨往復來憑軒暇歸鳥登山稍高

復林木披陀而上至天池院在小峯絕頂乃有石池泉水不竭東過

手巖石字嵌空中有井泉僧緣崖結架以居下臨錦繡谷又有石榻

名遠公講經臺斯須暮雲合白日無餘暉金波從地湧寶燄穿林飛僧言自雄

誇俗駭無因依安知本地靈發見隨天機臨絕壑是遊人請燈處僧云

燈非禱不見是日不禱而光景明滅頃刻異狀諸生或疑深尋兩林間

其妄予謂僧言則妄而此光不可誣豈地氣之盛而然邪

清波貫華屋蓮社有遺蹤草堂非舊築脩廊餘故刻好醜雜珉玉亦復

記經行深慙後人讀五日下午至東西林兩寺相去不百步一溪清駛

白蓮池在東林法堂前白公草堂墓在寺東又廢近歲復掘數椽制行

殊狹陋然亦非其正處矣是日題名屬寺僧刻於咸通莊田記石

軒復東驚祠城當晚遊胡然冠蓋集不盡心期幽夜厭百谷喧旦失千  
峯稠出門有遺恨回首空綢繆州教授翁名卿載酒散與鄉人游應和  
歐景文及其諸生山水誠乃奇云誰究終始曩遠亦何人神君豈其鬼  
東西妄采獲誣諂共恢詭百世踵謬詭彝倫日頽圯老林慧遠雜取孔  
嘗著沙門不敬王者論唐明皇自言親見使者降殿因立此官以  
而羣臣造為妖妄以迎合者甚衆本朝仍賜宮額神號置提舉官云以

茲遊覽富翻令懷抱傷誰哉可告語舉俗昏且狂乾坤有貞心日月垂  
休光茫茫宇宙內此柄孰主張北度石塘橋西訪濂溪宅喬木無遺株  
虛堂唯四壁竦瞻德容睟跪薦寒流碧幸矣有斯人渾淪再開闢平生  
勞仰止今日登此堂願以圖象意質之中几傍先生寂無言賤子涕泗  
滂神聽儻不遺惠我思無疆六日拜濂溪先生書堂遺像子澄請為諸  
孫濤為設食于明晨江磯寺尊酒聊對設孰是十日遊遠成千里別英  
僚樹嘉政素友厲孤節努力莫相忘清宵共明月七日薛洪持志王仲  
來飲罷與張陳趙南還軍于澄許張歸廬陵南鄉龜  
父還家擇之之湖南予與王余陳黃東渡湖口而歸

梁寺水見示過嶺新作

羅鄂州

凌晨登鬱孤南走韶陽道封疆有申畫山川本懷抱公行度塞嶺殘雪  
故未掃高情無南北反謂茲山小頃來我嘗遊亦覺山媚好前賢困遠  
謫我輩得幽討兩崖瞻欲眩數樹攀且繞想公哦新詩千騎轉林杪  
官候顏色約束軍聲悄韶陽古名郡四十專城早重華已千歲登

雲表魚龍舞幽壑遺韻蓋可攷以茲供撫玩或可薦壽考公餘亦持  
未用絕芳醪行行布恩惠正直神所保

題騎牛圖

元序云陳仲舉賢良熙寧中言新法不便南東酒  
稅羨兩黃犢時與劉凝之跨之遊廬山李伯特繪為  
其家

吳文肅公

汗血聲利場舉世循一軌霜風老嚴棘松路石齒齒牛瘦僕夫疲累累  
山谷裏兩翁非病狂顧獨不取彼牛背有佳處未可語俗子夷齊向千  
載凜凜有生氣試問齊景公烏用馬千駟

早起

吳文肅公

積雨霽窮秋柴高立清曉溪光照煙岫未覺秋容老溪邊烏臼林他日  
沒飛鳥濃綠半枯枝殷紅亂衰草搖落想騷人洞庭風嫋嫋

劉寺簿暇日出郊按視首院安養院漏澤園南教場飯于花藥

寺用韋蘇州韻賦詩

程克菴

史君抱孤韻勝日成獨遊聊循七里郭一賞千林秋射圃既徘徊澤宮



重咨疇孰生病我療孰死骨我收遐觀與未窮小憇山更幽昔人事登  
覽不憚道里悠而我縛微官抗塵苦淹留何當奉杖屨宗論排田馮  
溪曰允夫詩文理勝而詞采  
附之淘鍊彙括俱不苟作

與孫自修祝和甫讀宛陵山谷詩

程次卿

孫君出宛陵梅詩獨不喜祝黃世通家於此更警毀暇日扣我門相與  
求正始敢述過庭聞用告二三子節拍貴詳緩言語戒浮靡無因內金  
盤遂厭古壘洗無惑變徵聲雅樂成逆耳譬如學書人牽率宗二米一  
觀繇義帖奔走却千里九方相神駿肯與驪黃齒紛紛稗官說而味洙  
泗理世事難具陳豈必在文士不鼓無成虧吾欲師昭氏按孫自修寧  
子有語錄祝和甫名穆文公內  
其先世從黃公魯直游見遺事

村行

王雙溪

青山護村落暗水通溝池人行禾黍間漫漫迷所之里社屋新醪擊鮮  
饗叢祠田父相勞苦雨陽無失時龍骨挂屋敖秋熟可預期行行度崗

澗泉石多幽竒微風發清籟好鳥吟高枝此中有佳趣豈無幽人知去  
住兩不可空吟招隱詩

秋懷柬陳巽叔徐伯老三首

王雙溪

西風脫數葉木末秋有聲團扇內篋中肅肅庭戶清公退頗無事解衣  
坐東榮本乏膏漢心未斷丘壑情日月不肯留奪我雙鬢青陳編堪解  
頤涼夜親短檠

涼風挾秋回蒲柳青欲黃桂樹枝相樛采采含幽芳清香美無瑕坐憂  
露為霜志士有所懷後時多慨慷

西南天漢流蟋蟀鳴露草黃鵠垂其翼坐看歲年老寸陰輕尺璧進德  
恨不早百圍飽風霜踏踏何足道

白鹿洞

方秋崖

茲山信雄深鍾梵上雲雨微五岳紫陽翁幾何不豪取有來青牛車肯作  
白鹿王詩書衣被之一變至鄒魯唐虞際淳熙此道日方午澗聲撼皇

墳山翠濕章甫紛其四方人會此共談塵岳也互鄉童履二不及戶却後七十年空堂稟遺矩內書在乾坤六老自今古昭回雲漢光不隔天尺五厥惟勳績難謹勿小吾土

田制

方秋崖

井田變阡陌萬世以罪秦商君信苛刻不過民自民漢名反秦火當與三代隣今年田欲方明年田欲均寧知古井田不為賦稅湮百畝官所予無甚富與貧從來經界法要使風俗淳豈為橫江網竭不遺一鱗乃知三代時官與民為春秦民自生生官不與笑蠶孰云漢田制顧不如秦仁秦姑置勿問漢已倚撫信誰其起鄒叟重與畢戰陳

武康澄道寺前溪上觀魚

錢融堂

山溪清徹底映日浮脩鱗人間湯鼎烹見此一柳春倚杖為欣然長淮浩無垠寄語溪上翁可以觀吾仁

璜源宗人珏壽慶樓

吳義夫

吾宗培世德盛事衰一門仰顏有壽母俛目見子孫平生青雲器威鳳宜孤翥脫然舍榮爵回車息深村服勤養堂中身已大父尊戲綵時趨庭奉輿日涉園所至疇接武顧見貽厥繁今年結高樓長少數憑軒群星環婺女列象如可捫雲傍檐楹飛山隣窻几蹲往來烏鵲喜廻互竹木蕃良辰風日佳容與同芳樽循陔度雅樂清響聞天闕男兒貴恢豁樓記聆緒言穀共里人飽書從寒士繙善源深復深河流出崑崙吾頌殊未艾玄來更瑤琨

秋懷五首

孫艮山

秋虫日以喧秋樹日以踈君聽草根蚤泣弔風中梧壯士秋懷涕及此清霜初

從來感秋人一例皆楚聲吾聞古燕趙慷慨多不平惜哉宋玉辭不使荆軻聽

何處秋聲多竹外聲歷歷凄切不禁寒蕭蕭舊時碧此中白髮愁餉與

秋風客

疇昔旅江湖夜夜南飛鴈山園柿栗秋出戶望河漢祇今寒鴈時中夕起三嘆

黃山秋雕鏤風露洗崖壘行行聽清猿處處采靈藥秋雲老石牀已後十年約

冬夜雜興五首

孫良山

今晨霜露肅愛此羣山秋芳菲者何樹乃是丹楓稠草花無名字正類黃菊幽一筇步澗阿聊復舒我眸鴈聲一何高渺渺關山愁林間有橡栗歲晚行可收

牧童與樵叟共載牛背歸我無薪蒸計南山松櫟稀寒風昨日至須用葺我扉破扉故可葺何以完我衣人生有定分勿怪生理微鐘聲煙外寺報我明朝霜籬落猿雀驚原野昏鷗翔杖策歸茅茨偶一歌既陳千載有我輩感念行斜陽

齋中乃無紙柿葉平籬根稍取書點畫帶此朝露痕識字有何補隨尔憂患繁姓名縱不記適有古意存惜哉結繩後事始於乾坤先生晚始悟無術鳩田園

秋晚種麥覆塊青茸茲物乃畏濕溝作棋道通江南地力瘠百穀勞農工杭稌蓄塋上麩麥藏溝中從今防蹂躪早晚觀麥叢須縱牛羊食勿信東坡翁吾詩乃農譜亦著江南風方虛谷曰元京詩有近陶者東野者清勁枯淡整嚴幽遠五言古體如秋懷感興及冬初雜興者作近世詩人所不能為不謂吾州近有此人持是以見朱文公可無愧哉去冬過石潭上時吳義夫同行欣然謂予自詩境甚佳今日再

遊有作將寄義夫

孫葵山

長潭有令姿山綠納空洞軒軒吳武陵曾此接飛鞚殷勤顧我笑詩材不勝用重來春事深物采尤錯綜緒小強懷大秀異肯受控流吟自已吳十穀纔一中故人抱才藻衆象入嘲弄即今溫水館坐教絃誦陸哉實前語東菴代宋棟明當寄東風煙水發清夢

留武林

孫奕山

訪客城南隅故第何其雄曲池猶淺濤主山尚龍巖頗聞此中人易姓  
良忽忽往時恩澤侯意氣平晴虹樂曲播秦城未制聞漢宮恨不逢李  
倫諱肯交毛公岸地西隣青茂木南山空有極一傳舍顏極富年工悠  
悠感成敗何獨操銀翁

德藝有貴賤

孫奕山

調弓遣猿悲削鍊奪神造伊人天分高甘以一事老奈何握寸穎特自  
矜粉藻沈約僅如奴子建何足道率爾為一快公論日杲杲德藝有貴  
賤君子廓懷抱

冬至寓建陽作

胡雙湖

繡日添漢宮書雲紀晉觀山家獨羨為剛腸占易象幽人意欣然起坐  
視晴漢大化回初陽漫漫今已無川派有游魚雲飛見翔鴈滯留本何  
心永懷發孤嘆誠哉利收佳履祥恩過半

次韻補柳子八愚詩

元序云同郡胡君故存賦八愚詩以補柳子厚固誠愚矣而於愚溪一序卒能大悟其愚良由得是泉石

以深雪其骨標故也  
因次韻以寄意云

汪古逸

嗜幽獵奇悶身忌落天涯光吸泛霞瀨清弄浸月陂襟懷屢蕩滌性情

漸愉怡屏顏謝往惑晃朗還澄思

右愚溪

故丘隨蒼茫得茲賴居人竹氛淨媚曉薛績綠染春藤蘿設野幕猿鳥

下近隣豈不愜吾愚彌使懷所親

右愚丘

撞玉鏘斷石濺珠懸穉松色資耳目淨聲辟塵土空靜窺發奇趣飽飲

生異容詎知愚所樂適與智者同

右愚泉

何以施吾愚溝泉甃苔石渦溢分冷光池呀注晴碧箕穎計已失滄浪

遠難即敢慕洗耳翁聊為濯纓客

右愚溝

愚泉我所愛規此須其來但因均窪勢不以智巧開鷗馴如故知魚浮

了無猜感激平生懷與爾同徘徊

右愚池

海山憐憨癡相嬉幻蓬島池懸孤影直雲增危勢好鶴盤意欲下樹滋  
色難老春風慎披拂勿俾生凡草右愚島

晨興氣澄穆池影涵幽堂泉從松下來漱齒生微香內揣澹無得外險  
倏已忘卽此冥其愚樂如還故鄉右愚堂

拂翳藤裊風灑燥松助雨幽抱通池光妙趣味禽語愚豈異曩日憂惟  
絕浮慕當有來者知泉石良可撫右愚亭胡敬存得古逸先生補柳  
唯天物色歸且羅亦灯閉門鑿混沌古硯破薛流江河士立兩間  
貴不朽文著千載來方多深知努力輕遠道下乘如此追風何

書興二首

汪古逸

時時溪上行或與幽人遇手把一編書共倚崖邊樹鷺近始暫飛魚驚  
却重聚佳景不待求足熟自知處稚子愛相隨似亦耽幽趣

興逼不暇臥躡屐鳴鷄先衰袂碧氛潤襲襟爽爽繁噫餒出故氣咽甘  
漱新泉骨瘦易酸楚體虛覺輕便樵子隔嶺見寧謂吾非仙手持白羽  
扇笑坐青崖巔汪氏德慶曰古逸詩語苦而意深形離而神  
貫未脫山林之氣象者所處之地然也

東城

滕星崖

東城有高樓我我冠城闕我來屬昏暮見此初上月遙天羅江山極目  
如霽雪江山秀如此豈不生豪傑臨風一高歌連曙何由歇

新安文獻志卷五十一下

甲集

古詩五言

遊石頭城

方虛谷

臥龍起草廬扶漢有餘忠欲結紫髯客共追黃星公  
 一言根本定萬里氛翳空指此為虎踞長嘯吞西風  
 夫豈樊吾圃以虞他人攻烏林逸元惡入蜀愴途窮  
 汝亦趙佗輩區區帝江東吾意本謂何劔佩殊不同  
 後來矯虔人藉口欺盲聾九折劔閣棧一泥函關封  
 盜賊柄干將姦雄非英雄老我弔古癖徘徊梵王宮  
 城壞遺甃泚江徙孤岸穹中原芳草外戰塵春濛濛  
 酒盡欲下山目極斜陽紅

訪臨川楊仲權于天慶

方虛谷

隱居何所為性懶絕造請駕言東城東恍兮異人境  
 脩廊寂無聲未忍殘竹影獨立味玄澹徐步入深林  
 秋光照虛庭拱揖冠服整中有專氣翁學道晚箕頴  
 誠極語謝飾幾動意潛領煮茶雜椒棗酒粲梨栲悅

神良會稀遺物閒情未休官陶元亮遜世陸修靜異代復同調霞外茲  
可騁研幽挹高致探妙發遐省何言壺中天心遠塵自碎

人生如流丸

方虛谷

人生如流丸冉冉不肯住草變鷓鴣鳴花零胡蝶去去去無奈何一飯  
三起步鬢綠密已稀紅顏新忽故往悔杳莫追前瞻冥未悟破鏡忽偶  
圓墮甌寧足顧方池踈雨餘歷歷見鳥度沉吟高樹間聊用寫心素

問田夫

劉曉窓

清晨出柴扉偶遇耕田夫為問尔田間近曾得雨無田夫欣欣言旱勢  
早已蘇昨午雲四合一雨半日餘高下粗沾漑茫然藹畬畝老夫聞此  
言欣澤當何如方虛谷曰此詞絕好元澤

冬日

葉梅嶠

寒冬飛暖雨此固未肯晴狂風忽伸威日影舒微明平林聲怒號落葉  
堆空庭三兩鴈南翔嘹唳雲邊鳴幽人抱膝吟騷屑百感生隆冬極寒

西草木傷彫零枯根與禿幹中有春意萌丈夫暫憔悴試推造化情

贈黃山性宗上人

王菟菴

差我丹砂峯攢巒秀如簇陰崖吐靈泉峭壁灑飛瀑下有軒轅祠渠渠  
隱林麓雲房更蕭疎蘭芷薦芬馥別來近十年一見慰心曲詎知當亂  
餘共剪西窗燭策策山雨鳴幽幽人獨宿明發歸去來後會豈云卜

執圃

唐筠軒

小園僅百步花竹執兩行垂垂結夏實蕭蕭吹晝涼盆池曉更靜照我  
鬢鬢長復有青青蒲風至互低昂人生百歲中弱草棲螢光亮無貞堅  
節何以禦雪霜達人豈求名進善貴自強用世苟不能退居固其常

舊種竹數十生筍已滿園今年筍更繁軋軋穿隣垣山童斲煙雨便欲  
供朝餐獨不忍饒口保此青琅玕物微志則遠當異今日觀平生遲暮  
心與尔同歲寒

種莧甲已坼苦菜行亦秀耨鋤不憚勤常恐地力瘦日日望其長漑漑

那敢後墻頭有蓬蒿不種而自茂此意定如何爲爾吟清書詩以所

詩谷讀此三加嘆賞  
黔山絕妙翫不忍去

唐筠軒

輿夫老苦鈍足重肩亦頽堅坐我不忍趨走便且輕後乘幸勿亟前有  
黔山迎平生所未識目駭而心驚委蛇出異態婉婉含深情長虬挂碧  
落巨怪浮溟瀛冠冕或儼立甲冑何從橫未吟先恍恍欲畫難經營邑  
連壤最沃俗美人不爭意有隱君子依阻仍深耕遺世了榮辱避俗變  
姓名尋之不可見晤言誰與傾

九月二十七日元與潛夫伯初小飲市樓季文後至酒酣慷慨

懷舊情不能已

唐筠軒

飲酒豈不佳所貴得其儔良朋既已至上我隣家樓樓高極四望萬室  
如鱗稠紫陽接前榮屋西揖浮丘郭索來數輩從橫類戈矛復有管中  
魚果核亦易求清言領道要諧謔非所投感舊屢惻愴論交重綢繆雲

間有雙鳥意氣橫九州豈同鷲與鷄爭食而包羞紛紛黃落中青山無  
悔尤

送秋

胡存菴

西風無時休忽忽逼秋老庭前兩蒼木叢綠不自保一夜霜露寒翻翻  
覆百草寒柯竟不移古意靜愈好天機在末貞君勿恨枯槁

問政山

洪杏庭

行窮白雲塢步入青松林飛花去人間好鳥鳴春陰黃冠雅好客淪茗  
澹冲襟灑之幽蘭芬弄以清泉青懷哉媚丹竈諒矣輕華簪當年聶仙  
子出處知何心徘徊揚州鶴悵望故山岑仙遊不可問古墓蓬蒿深

寓舍偶得

洪杏庭

吏卒各已休獨步風林下雨餘堤草青亦放庭前馬隔水叫黃鸝千山  
暗初夏非無可樂資孰是同情者宋潛溪序云新安爲二東一大郡自  
詩得于建炎之紹興間作者益盛阮生之主筆後朱公百餘年嘗及接



厚謝坦有三百  
篇之遺意者

寄友

汪尚志

覺來一悵望幽興知有期炊煙出深竹暮雨鳴清池翩翩歸林翮澹澹  
遙山姿行吟偶成詠奉以寄所思未足道平素聊慰別經時

題墨竹

王彥恂

泛泛湘水春依依渭川曲勝地不再逢於焉見叢綠碧幹曾餘煙晴梢  
娟涼旭恍然碧雲中可玩不可掬人間白日靜風定層漪潄此君信佳  
人悟悅何由足

病起有懷貝德堅

程黥南

日日倚高樓遙望西溪山山深草樹長煙雲何綿蠻中有千歲松脩柯  
出雲間鳳凰翔其顛好鳥鳴啾啾仙人紫霞裾招我碧玉環浩歌激林  
谷玉貌安且閑問之不我言無乃吳綵鸞褰裳欲從之山險道路難默  
坐自嘆息歲晏彫朱顏

送曹元達歸休寧兼呈汪府君

程黥南

曹生家多書老屋松蘿下短墻圍翠竹窗戶極瀟灑屏間古篆隸鍾鼎  
雜壘洗風傳屋角花苔翳墻頭瓦開軒納空曠西北見平野市人競錐  
利俗士眩虛假那知縣城中有此幽獨者二年西湖上一笑手重把清  
詩富才學浩若驚湍瀉過我便告歸情親意難捨山林有真樂榮顯付  
土苴玄思邁墳典孤詠到風雅惟有退密翁時時來下馬

葛孝女廟詩

元序云撫州金溪縣民葛祐唐寶曆間治銀冶能  
女不忍其父受榜掠之苦俱躍入冶中焚死化爲銀事聞詔罷  
金溪銀賦邑人哀而德之祠之佛舍國初以獻利者言復與諸  
治而金溪邑士危太僕微予詩賦此

程黥南

天地不生寶鍾英二女人投身烈火中化爲雙白銀白銀獻天子天子  
驚未已下詔罷銀徵父亦脫於理人言葛家禍葛女非頑祥不見金溪  
祠歲時鼓龐龐遂今千載下感嘆千載上噫彼規利人乃是丈夫相雖  
然丈夫相曾不如女兒珠玉徒自焚金溪有常祠

張孝子詩元序云孝子名寶歛南世家也其父嘗遇賊劫持心動遂貫其父寶時僅五歲今年秋予讀之亂離歲已久惡類暴如虎殺人如剖瓜寧復念人父哀哉五歲兒黃髮

猶旅旅大孝忘其身大痛誰遺汝村墟絕行人汝父無死所不有動地

號燐血灑荒土汝啼非汝聲汝聲天地心天地為憐憐汝賊空林林賊

心久為鐵至是鐵分裂平生梟獍懷黯淡動慚色又擲父子全歸衣笑

相牽賊徒重暗暗既去還相憐如何里巷賢此事忘流傳我為賦新詩

庶用振人紀老大長兒孫有父或弗事視彼五歲兒再拜當愧死

新婚別 吳克敏

大旗東南來甲馬一千匹郎佩虎頭牌妾織龍鬚蓆懸箭孔雀屏撻鞭復何適朝辭廣武軍暮赴河陽役河陽有高臺莫作望鄉客行行事良謀遠慰烽火夕

陪師西征 汪朝宗

朝發度公樓辛丑年秋夕扣滕王閣壬子年春長歌奮激烈清風蕩寥廓張帆江水秋伐鼓關月落予亦將遠游明當造黃鶴期之按廣洋

字朝宗高郵人少從余讀書游寓太平乙未歲

院掾文江南行省提控下西陽縣照磨兼知諸全州事已亥置正軍都諫

司擢都諫官辛丑遷江西南行省都事陸郎中甲辰立中書省改右司郎

中尋知驍騎衛指揮使司事平章常遇春下贛州命廣洋參軍事贛州

得廉明持重者往安輯之以廣洋可任乃命陶安為江西參政調廣洋

出為陝西參政三年承相李善長病

廣洋至憲惡其位軋已每事多專決廣洋畏之不與較憲猶不以為嫌

上初未之知復召廣洋還憲坐是誅冬十一月大封功臣廣洋封忠勤

伯誥曰朕觀往古後傑之士能識真主於草昧之初効勞於多難之際

終成功業可謂賢知者也漢之張子房諸葛亮獨能當之朕提師渡江

入姑孰中書右丞汪廣洋同諸儒來謁就職亮獨能當之朕提師渡江

運守正文臣負善大夫護軍忠勤伯食祿三百六十石於乎爾向益堅

初志克茂忠貞訓爾子孫以光永世四年正月善長以老辭位乃拜廣

逾洋為右丞相御史大夫十年復拜右丞相加特進榮祿大夫右柱國知

軍國事  
上遇之特厚嘗有疾在告賜勅勞問廣洋與胡惟庸同相惟庸所為多  
不法久之御史中丞徐節言前誠意伯劉基遇毒死廣洋宜知狀  
上問廣洋廣洋對以無是事

忠貞居海南舟次太平復遺勅切責遂死于道廣洋善篆隸大書尤工  
歌詩為人寬和自守與奸同處而不能去其相才不足云○又從廣  
洋詩寧旌城人遷居高郵洪武初嘗奉使婺源有祭於祖越國公廟文  
見甲集第  
四十六卷

落日汴隄上  
汪朝宗

落日汴隄上奄忽浮雲馳草樹遍原野茫茫天四垂上有鳥嚶嚶下有  
塚壘壘世故念衰絕焉知埋者誰孤隋昔撫運恃安忘險危乃以耳目  
私遂令骨肉疲骨肉日已疲耳目日以虧平陸變滄海中途歌黍離持  
此鬱冲襟涕下莫能揮

張氏白石山房

魯承旨

浦江有白山白石如積雪玉氣亘中天龍秋無六月于茲隱君子結屋  
依翠微讀書日平樹看泉風滿衣誰謂野鶴姿從心自飲啄一落樊籠

間清夢繞巖壑豈不念白石好鍊五色紋獻之補天子歸臥山中雲

分題送陳子山博士游黃山

趙東山

浮丘說詩罷丹成忽為仙荒祠託靈谷瓦缶薦寒泉紛紜秦漢間嘉遯  
良獨賢大推久不聞支詞瀆真詮期君發幽隱重以青瑤鐫右浮丘祠

軒后初制作倥侗烝黎畫野定疆理無為異標枝荒山有遺碣彷彿  
存蛟螭述德豈倚相論書陋秦斯期君刊往牒稽首陳貞辭右軒轅碑

絕澗下深黑寒泉瀉巖隈中有玉蜿蜒不知何年來隱顯與道俱泊然  
息風雷石林絢金碧洞府皆樓臺善保至陽德春霖遍九垓右白龍潭

空巖蔭方地丹泉何氤氳炎火孰張設蒸燉泛春温疏淪得深潤浮游  
灌靈根外達美陽休內融反胚渾翩然披紫綺五色明朝暎右珠砂泉

巖居觀物化掩卷獨無思空洞鏘重扃此孔壁遺朋來二三子窮妙  
強吾詩商聲出金石草樹生涼颼過門有佳客共賞雲風辭右雲風辭

贈唐宗魯

趙東山

驚飈振原野草樹日已疎客子懷故林哀鴻雲外呼九土人相食煙塵  
暗長途骨肉一分散東甌定勾吳側身無津梁飛夢輕重湖荆璞時未  
珍所貴璉與瑚棠溪古云利百鍊不受誣憂患啓明哲艱貞奮良圖熠  
熠草上螢青青澗中蒲已感秋日短復悲冬夜徂陽光燭幽昧陰壑群  
生蘇歸舟泛春濤一觴酌伍胥汪蓉峯曰東山詩因感發而形之詠歌  
雖不專乎是然長篇短賦不一字句

贈別程仲本舅

汪東湖

亭臯天地秋亂葉隨風委南窓見脩竹翠色正相倚幽懷忽不悵獨念  
寡儔侶豈無同心親所恨不同里良晨接清歡辭義出心髓我我孤桐  
意未奏已盈耳相逢幸未晚結好助於此別緒條已紛重來定何許歲  
晏霜雪多君子慎趨履古道諒不謬相期在終始

雜賦三首

汪蓉峯

我遊會稽嶺復登秦望山天高海濤寂日落空雲閒三山渺何許鮑腥  
動函關回車探禹穴千古高嶺屹

有客來崑崙抱璞將何適燁燁含輝光積韞夜生白荆舒人莫知舉世  
珍燕石所以魯仲尼待價靡欣感  
嘉橘生南服纍纍黃金姿碧葉霜不悴貞心終自持渭濱釣魚叟西伯  
夢見之西伯今寂寞野處徒傷悲

貧女鏡

鄭樗菴

青銅古鸞鏡翡翠光團團誤落貧女家苦為塵所漫良冶出新製明月  
雙螭蟠方諸失精彩嬌娥媚膏蘭郎君童顏色開奩時一看古鏡坐棄  
擲掩輝獨長嘆豈無磨淬工不受貧女干含精照秋水顛領生波瀾

晝熱喜雨

鄭樗菴

亭午暑方劇震雷起西山涼風灑然至疎雨高齋閒庭葉綠光潤荔枝  
朱實殷農耘喜且歌樵採行當還蹇予謝邊事情在山水間明當理煙  
艇濯髮滄江灣

芙蓉照秋水

朱子乾

芙蓉照秋水靜夜何娟娟  
芙蓉照秋水靜夜何娟娟  
誰復憐我有明璫佩采采  
誰復憐我有明璫佩采采  
與之聯永言力道德奔走相周旋  
與之聯永言力道德奔走相周旋  
古道日綿邈頗遭世慮牽  
古道日綿邈頗遭世慮牽  
嘯歌南山下把酒西風前

雲山樓詩元序云鄭天駭以萬戶侯出殿于陔口陔口則欽陔  
雲山樓詩元序云鄭天駭以萬戶侯出殿于陔口陔口則欽陔  
流以下灘舒石安水益淵洞二百七十里許而為陔君構樓其  
流以下灘舒石安水益淵洞二百七十里許而為陔君構樓其  
間山魏然高且大白雲往來勢欲飛動扁曰雲山諸公題品寔  
以聯軸始未悉君意者遣時際離棄家于遠又沉鬱武官方謹  
守疆場譏察服言不得引去第歌雲山蒼蒼以希騰自期待神  
交千載之上而招羊裘翁者意或在是况君與唐白雲  
中丞伯庸世滅其山水瑰奇之觀有自來也矣

將軍構高樓巖巖向溪口好山千萬重  
將軍構高樓巖巖向溪口好山千萬重  
浩浩白雲走朝雲護簷阿暮雲  
浩浩白雲走朝雲護簷阿暮雲  
宿窻瀟雲去山獨存顏色青而黥老校插弓刀危立縛卯酉  
宿窻瀟雲去山獨存顏色青而黥老校插弓刀危立縛卯酉  
過客肅容儀目逆為之久豈無書生狂棄繻竟不取紫髯  
過客肅容儀目逆為之久豈無書生狂棄繻竟不取紫髯  
將軍武帳映疎柳時時上樓頭  
將軍武帳映疎柳時時上樓頭  
文氣盪南斗平生陳三洲翰墨不停手為君記雲山聲價等  
文氣盪南斗平生陳三洲翰墨不停手為君記雲山聲價等  
歐九而我強題詩兩鬢禿於簪何時許相從隣家夜賒酒  
歐九而我強題詩兩鬢禿於簪何時許相從隣家夜賒酒  
鯉魚活欲飛前灘收嫩笥

送湯生執中

唐白雲

薄暮雲已收微寒雨還作居人念睽離戚戚意不樂  
薄暮雲已收微寒雨還作居人念睽離戚戚意不樂  
何時竹屋眠共看燈花落

登餘姚龍泉寺讀王荆公詩刻

姚廷用

佛屋出林表盤盤躡雲級偶因一日閒頓覺百憂失  
佛屋出林表盤盤躡雲級偶因一日閒頓覺百憂失  
秋深氣尚清黃霧翳原隰海光素練搖山色青如濕  
秋深氣尚清黃霧翳原隰海光素練搖山色青如濕  
脩竹含今姿對客弄蕭瑟癡龍臥不起歲歲自盤屈  
脩竹含今姿對客弄蕭瑟癡龍臥不起歲歲自盤屈  
爭墩復何如愛泉亦成癖區區青苗術終古一嘆息  
爭墩復何如愛泉亦成癖區區青苗術終古一嘆息  
百年幾攜手邂逅娛永日酒酣發浩歌煙霞入吟筆

漁樵興

任本立

臨水事網罟入山勞斧斤日夕給妻子溫飽復何云  
臨水事網罟入山勞斧斤日夕給妻子溫飽復何云  
自慚故鄉別羈縻餘幾春并邑翳桑梓江湖靄煙氛  
自慚故鄉別羈縻餘幾春并邑翳桑梓江湖靄煙氛  
期君舊山業時讀招隱文未能脫戎服徒尔勞空言

白槿花

舒道原

素質不自媚，開花向秋前。澹然超羣芳，不與春爭妍。涼夜弄清影，縞衣照嬋娟。佳人分寂寞，零落祗自憐。鮮鮮碧雲樹，皎皎萬玉懸。朝開暮還落，物理乃自然。嗟彼壅腫木，徒爾全天年。

乙卯冬自陝回至中牟夜與牛車同行故題驛亭

范緝齋

我行中牟道，夜並牛車行。何人問牛喘，鞭撻勢伶仃。更雇靴下苦，犢兒隨母鳴。車夫爲我言，我家懷慶城。來此數百里，執役難具名。流囚與軍裝，日夜不少停。黃昏伴牛臥，飯牛到天明。漢月皎千里，風霜淩十程。牛死急應官，欲哭還吞聲。白刃尚可蹈，蒼天終無情。我家有老父，日暮還力耕。無糧可充饑，無衣堪蔽形。行人聞此言，泣下如雨傾。我亦征途間，垂老重飄零。何時息干戈，時康歌太平。

吳子芳楓林牧隱

黃後圃

露晞春草細，林遠青楓長。中有沮溺徒，結廬先龍傍。於焉可耕稼，自收

牛與羊，搯腰笛竹短。插笠山花香，犢飽夕言歸。濯足澗月涼，嚼彼塵世人馬蹄。終日忙橫眠，綠草嫩青羨。金鞍光老農，願卜隣持鞭。白雲鄉招我，金華仙與尔參翺翔。

松蘿谷

范平仲

尋幽興未涯，窈窕入深谷。長松生晝寒，香蘿蔓春綠。綿綿石上葛，冉冉巖下菊。樵子時相逢，和歌自成曲。吾將從杖履，題詩滿青竹。

北游

吳韞中

青山千里來，龍奔出平野。逶迤作都城，黃河走其下。借問宿遷人在昔，何爲者云此。生重瞳，虎鬪天所假。自矜蓋世心，坑秦霸區夏。鴻門逸真龍，烏江陷驢馬。至今哀怨聲，喑鳴海中瀉。

朝隨大車行，暮傍大車宿。野曠秋草黃，寒天四垂綠。席地臥霜月，仰空若華屋。星河爛珠衾，終夕爲我覆。憂懷不能寐，長夜炯明燭。游子在遠鄉，清吟漫成曲。

植檜詩元序云河南政府有古檜十有餘株其植而扶植之遂與之俱正矣噫孰謂人心之偏而不正邪詩以詠之

鬱鬱堂前檜清陰  
長廊靈根蟠厚地  
直榦凌穹蒼  
雨露相沫濡  
雲氣時飛揚  
如何一畝創  
衆中不成行  
尔性本孤直  
胡爲若傍徨  
得非失培護  
毋乃風雨傷  
一朝爲扶植  
老氣猶昂藏  
矯矯虬龍逸  
翩翩鸞鳳翔  
物性尚可治  
人心寧自戕  
凌霄聳高節  
歲寒失弗忘  
大哉棟梁具  
期尔薦明堂

翩翩紫鳳雛  
贈方希直赴漢中教授  
鄭居貞

翩翩紫鳳雛  
羽翮備五彩  
徘徊千仞翔  
餘音散江海  
於焉覽德輝  
濟濟鏘環佩  
天門何嵯峩  
羣仙久相待  
晨沐晞朝陽  
夜息飲沆瀣  
如何復西飛  
去去秦關外  
岐山諒匪遙  
啄食良自愛  
終當巢阿閣  
庶以鳴昭代

題徐怡顏風亭月觀  
風亭月觀劉宋樊射徐怡顏  
俞樵雲

風亭三兩間  
月觀百餘尺  
初豈事遊觀  
曾不費民力  
五馬旣南渡  
銅駝

委荆棘正朔歸江東  
俯強紛漠北  
長淮連青齊  
齊沃壤化疆場  
乘鐵自外  
閩歷歷著聲迹  
下車撫遺民  
挽弓抗強敵  
至今元嘉政  
赫赫猶昨日  
南國召伯棠  
峴山羊公石  
千秋復萬歲  
民心耿懷德

訪鄒公寨元序云衣錦歸鄒大坑山故寨門隘寨三層至今猶存是時二公募義勤王開都督行府馮旗之際天色晦暝一夕雷法其詳額府守只留三字都督行識者知宋之不競也未幾爲元兵所獲由是北行矣  
唐梧桐

險隘鄒園里  
迢迓大坑山  
可憐興王地  
不在深谷間  
平生文丞相  
報主一寸丹  
同行鄒奉御  
總戎石爲關  
馮旗召義勇  
朔風吹雪寒  
天心厭瀆亂  
安遭艱難元  
兵威破竹  
列郡無一完  
居然就執縛  
北上何當還  
日月照云  
祖天地應更  
寬安能着此  
憤血淚不可  
乾汗青忠臣  
傳千載永弗  
刊我來訪遺  
迹故壘雲漢

葦心堂爲金君玳賜賦  
吳兵侍

鸞戩東野氏  
一語崇孝思  
允懷慈母恩  
撫躬日孜孜  
毋德比春暉  
寸草

身相期春暉一駘湯品彙成熙熙寸草雖有心欲報將安爲念茲不成  
寐詠言以爲詩金君海寧彦有親髮如絲稽古得佳句感激情無涯揭  
痛固可嘉爲養須及時

安慶謁忠宣余公祠

程襄毅公

熾舟江上城水懷古才傑空祠餘斷碑摩崖檢遺列憶當胡運衰土地  
合分裂孤臣獨皇皇乃以死自快妻孥三綱顏豈徒一身潔當時賣國  
者何忍自汗蟻我

皇撫中原嘉此纍臣節朝食無窮時髮倫固長揭再拜起傍徨江流尚  
嗚咽疑有忠魂遊千古應不滅

風林書屋爲學士朱允升先生曾孫賦

鮑廷諡

雲山何迢迢石門自幽深伊昔有君子高名良足欽讀書萬卷餘灼見  
千古心避世聊自樂棲遲隱巖陰會當

明主出鳳向朝陽吟阿衡起莘野傳說施甘霖功成一朝退清風來舊

林云何未百年此道難追尋賴有賢孫子可比雙南金肯堂復有構欣  
言嗣徽音嗟我本舊人有懷未盡發爲君歌一曲視古猶視今

倣陶儲體二首

汪思敬

斜光在高樹歸鳥何喧喧池月漸東上參差林影偏掃花坐晚涼濁醪  
對青山清風松下來白雲巖際還心知不可見此意誰與言  
龍蛇未變化所至難測識寶劍泥土中不辨風雲色念此出門去忽見  
高飛翼野人荷蓀來行行重嘆息爲言東隣士著書在幽側獨抱蒼生  
憂思欲獻狂直悵望君門深躑躅忘寢食

客清溪寄蘇景元

程文通

浮雲不可繫故人常相違江漢萬古心爲君增嗁唏烟樹暗南國風花  
摧夕暉長吟出幽壑明月流清輝潮回東海水春老北山薇相思不相  
見側身鴻鴈飛

新安文獻志卷五十一

甲集



古詩七言

過吳明叟新居

汪龍溪

誰開大屋沉沉者門外垂楊拂車馬主人四十持節歸高臥綠陰啼鳥  
 下冥冥一徑傍花入忽有清池照深夏魚吹落日知鏡淨荷受微風看  
 珠瀉夫君少有湖海氣欲駟長鯨無地跨故將能事驚世人坐向雲端  
 差萬瓦稍培幽桂出窻底時放青山來竹罇人言此興極不淺天遣公  
 忙那肯赦要須便作輞川圖他日思歸聊對畫

阻風雨辟邪渡寄王仲成

汪龍溪

渡頭急雨鳴森木木杪顛風飛大屋沒腰寒水稻生芽滿眼青泥車折  
 軸山行值雨舟值風窮愁日日煩天公不如歸臥澗壑底世事一掃春  
 花空別君兩年重此別喜君曾次渾冰雪擬將身作質胡留無奈事如  
 空鳥滅挽我不回君怒噴交情把玩轉清新相隨百里還相見只有西

山似故人

北固懷古

程北山

阿瞞長驅壓吾壘飲馬長江投馬箠英雄祗數大耳兒彷彿芒碭赤龍  
子艦中沉有南陽客布衣躬耕無甌石當時鼎足計未成聊此一奇空  
赤壁入隨流水去不還臥羊頑石留空山如今留石亦煨燼山與長江  
相對閒

焦山

程北山

龍伯不解事投竿牽大鼇逆流直上三萬里怒卷渤澥秋風潮適當長  
江入海處顛顛擲此雙岩堯一山正臨聲利窟來檣去櫓紛艤一山  
獨與世踈闊突據幽險盤雲濤飛仙播蕩去不返止有一翁身姓焦至  
今金玉作山骨草木堅勁無天條爾來寂寞幾千歲稍見遊子來山椒  
吁嗟一與入境接世故擾擾如牛毛安得夸娥運者鼇背上因之置我  
三山高

秀峯遊戲效李長吉體

程北山

玉龍冲碧縈山脊蜿蜒踏龍上穹碧神奇鬼巧鏡高青露巖春煙染山  
色舉頭便足千里遊太湖萬頃涵天白剪霞噴霧濕青紅錦帽花礎明  
清空松聲拂枕破幽夢冰輪逗滑寒臙隴殿角連珠桂星斗透冷飛光  
射踈牖古香飄桂夜陰陰雲樓報曉生銅吼摧頽羈客青山人悠悠九  
土飛紅塵眼前歷歷千古意琴臺不見吳宮春

題睢陽雙廟

朱獻靖公

幽陵胡羯殘中原列城束手天子奔天留巨孽毒染宋賊壘環堞如雲  
屯凶波滔天不可遏塞以束薪何足論力憑孤墉阻其怒不爾存食無  
黎元堂堂許張勇且仁指禪羸卒氣愈振上書行在論賊勢想見憤色  
吞妖氛人間貧賤容力避只有一死由來均二公就此得處所至今日  
月名爭新遺祠突兀岸清洛英氣凜冽橫穹昊尚聞餘陰福茲土天假  
威柄酬忠勤布衣尚懸千古淚肉食宜鑒當年因焚香再拜三嘆息九

原可作從斯人

答林康民見和梅花詩

朱獻靖公

寒嶼人家碧溪尾一樹江梅臥清泚仙姿不受凡眼污風斂天香瘴煙  
裏向來休沐偶無事誰從我遊二三子彎碣曲徑一攜手凍雀驚飛亂  
英委班荆勸客小延佇酌酒賦詩相料理多情入骨憐風味依倚橫斜  
嚼冰蕊至今清夢挂殘月強作短歌傳素齒韻高常恨句難稱賴有君  
詩清且美天涯歲晚感鄉物歸歟何時路千里枕樓一笛雪漫空回首  
江臯淚如洗朱文公曰皇考吏部公詩初不事雕飾而天然秀發格力閒暇超然有出塵之趣

用東坡武昌寒溪韻

朱逢年

漫郎古邑埋蒿萊五柳合抱何人栽浯溪未作天寶頌爽氣已壓南昌  
梅蘇公鄭公先後到一時玉立高鬼扁舟載酒渡江水千山軟翠昏  
樓臺窪尊杯飲追太古雲荒石老無紛埃歸來玉樹念赤壁側身西望  
銀濤堆英辭傑句相震發尚記野鳥窺空壘只今却效未白戰虫篆想

見留巖隈中原膺腥雜夷夏淮北城壘生莠苔公乎天與濟世具曷不  
手引梟鸞開空遺筆力配元祐頌覺紙上千軍摧禁中頗牧知在即  
令前日頌風雷丹青元向大羽出貂蟬要自堯叅來數公文字雖絕勝  
莫使變作離騷哀

題江國錄先生石室

陳漫翁

海寧邑屋千山環幽人更愛山中山山城已遠人烟寒江君石室深噴  
吭聞君十載棲長安焉能斂翼紫巖巒臥龍要自南陽蟠東山不為攜  
紅顏邇來側身天地間不如一室中寬閒探書禹穴萬卷完養成霧豹  
非一斑素琴無絃心自彈泰山高高水潺潺山中閒兮誰往還雲無心  
兮抱幽關青山白雲足為侶無心胡為戀君字冷君衣裳潤君礎人間  
歲月易今古傳說一去不可佇蒼梧何如出飛雨不崇朝兮蘇九士

題祝生畫

朱文公

裴侯愛畫老成癖歲晚倦遊家四壁隨身只有萬疊山秘不示人私自

惜俗人教看亦不識我獨婆娑三嘆息問君何處得此奇和璧隋珠未  
為敵答云衢州老祝翁曾次自有陰陽工峙山融川取世界咳雲唾雨  
呼雷風昨來邂逅衢城東定交斗酒歡無窮自言妙處容我識為我掃  
此須臾中尔時聞名今識面回首十年齊掣電裴侯已死我亦衰祗君  
雖老身猶健眼明骨輕髮不變筆下江山轉葱蒨為君多織機中練更  
約無事重相見

贈機仲景仁誦序及詩傳綱目復用前韻

朱文公

道有默識無言傳向來誤矣空談天只今斷簡窺蠹蝕似向追蠹看虫  
旋始知古人有妙處未遽秦谷隨飛煙終然世累苦妨奪下惟發憤那  
容專一心正尔思鵠至两手欲救驚頭燃書空且復罷咄咄屢舞豈暇  
陪仙仙誦注兩年罷功名况乃身外事我馬碑兀甘回鞭解頤果值得  
水井誦注謂鑒古亦會朝宗川誦謂兩公知我不罪我便可築室分  
林泉十年燈下一夜話閒日共賦春容篇

弔禰正平

元序云蜀人韓毅伯游武昌作詩弔禰正平專詆黃  
小有才而未聞大道則足以自殺其軀正平未免坐此就東京  
人物論之郭林宗徐孺子黃叔度之樊牆正平未能窺也乃書  
此意

王雙溪

曹瞞及殺楊德祖不敢復害禰正平區區黃祖雀鼠輩乃以嬉笑生五  
兵才雖可愛亦可忌人間險過羊腸地不鋤驕氣禍之媒祖也不仁衡  
未智黃鶴樓前江水平鸚鵡洲邊春草青憑君酌酒弔孤塚古來賢哲  
非貪生處士一死泰山重文舉一死鴻毛輕

遊金焦二山

程正惠公

揚子長江天際來中流有山河壯哉深根盤礴千萬丈寸土不受雙雀  
鬼金山屹據上流險四面佛屋相環回來帆去槳別艫舳住僧過客煩  
追陪排空傑閣揖滄海海山亂點浮纖埃龍潭別聳石峯巧時立野鶴  
慵趨總堂頭回首指遺像坡公印老留青煤其人已去詩尚在唱酬風  
月相徘徊再三瞻敬下山去縹緲又入雲濤堆焦山一望六十里舟師

駕櫓如奔雷行行混蕩呼吸頃繫纜壩攀登山隈山中僧少竹木古瘦  
根迸石穿莓苔幽姿野態隨步出勝處往往多樓臺洪崖路轉尋瘞鶴  
幾年浪打風雨摧遺銘破碎石剝落摩挲細讀心眸開同行韻遠興未  
盡飛仙亭上傾樽壘酒酣我爲發奇絕底須方外求蓬萊

題祁門岳王廟

方秋崖

神京鱗介腥衣裳三精霧塞天地光鼉啼鼉笑紛披猖中分宇宙尊大  
羊誰其與者淪網常受計於虜扼我吭王心凜凜天蒼蒼以次束縛歸  
朝堂自南自北諾已償焉用與虜爲胥戕爲讐報讐胡不滅至今淮塹  
爲河隍每觀王傳心摧傷怒髮爲立膽爲張皇界予邑於祁聞聞王有  
像西山岡欲往從之潔予觴簡書之言不我違今日去此何敢忘牲肥  
酒香時日良金戈鐵馬山茫茫

觀漁

方秋崖

林光漏日煙霏濕鷓鴣族立春沙碧湘竿擊水雪花飛鷓鴣沒入春溪

肥銀刀撥刺爭三窟烏兔追亡健於鶻搜淵剔數無唯類餘勇未啟心  
突兀十五五斜陽邊聽呼名字方趨前吐魚筠籃不下咽手粹瑣碎  
勞尔還嗚呼奇哉子漁子塞上將軍那得尔

送童子盧觀國試玉堂

方秋崖

長亭柳色鶯兒黃花事欲動春風香佩觸徑趨白玉堂淋漓翰墨孤鳳  
翔黑頭相公紫微郎金貂玉魚垂兩璫攜立螭陛穿鸞行至尊龍飛御  
明光催班賜見清蹕長天顏喜動絺繡裏官花綾織雲錦章殿前拜舞  
籍奉常跨馬入省繙練細讀書靜珠琅琅風日不到蓬山傍文字零  
亂冰雪腸要令汗竹俱流芳子豈不見晏與揚銅根鐵幹森秋霜萬牛  
挽之供棟梁

諭俗

方秋崖

稻壓田塍稻頭重蛟蛇糾蟠扶不動得霜欲老晴下鎌捲野秋雲堆作  
隴昨日采米如采珠頭落半價多年無賣刀買年政不惡一字入官妨

爾樂不如阿婆殺雞賽田神阿翁買酒邀田隣三盃徑醉客歸去茅簷  
曝背温如春

竹溪爲旌城汪伯溱賦

程盤隱

先生溪上種脩竹呼吸溪光餐竹綠自應不用此君醫冰雪之曾元不  
俗我欲相從竹溪中已辦青菘黃蓆蓬臥聽蕭蕭搖清風一洗滿懷塵  
土空祗愁一夕風雷起變化飛龍葛陂水凌雲去去固無心莫忘溪頭  
無烟雨

閱浯溪集用山谷韻

趙吟嘯

花間小閣臨清溪綠窻坐閱三五碑謂浯溪唐也恍如登高俯絕壑倚杖  
松陰挽兔絲幽尋勝賞客思奇一聲欵乃誰家兒三五碑乃後浯溪映帶  
湘東西碧山曾看漫郎棲銀鈎玉筍苔蘚古神剌天畫非人爲憶昔儲  
皇披輿圖白衣山人稱帝師汾營老將智勇俱陰霾四塞天戈揮至今  
老石勵庸懦野水亦解扶顛危唐臺碑云石二十餘後來弔古者爲誰

浩翁清響章攻詩當時寡和孤白雪我故欲尾春風歸恨不禱羽西南  
飛山前更着小艇隨夜闌忽夢訪遺趾月色慘淡猿聲悲劉後村云悲  
情慨慷若硬老辣者乃似盧仝劉義

送硯與吳元真廣文

俞良軒

挿天萬仞芙蓉峯茫茫積翠連青空中有千年蒼翠骨山奇水怪秀所  
鍾斷崖絕壁不可到虎豹守護烟蘿封一朝良工奪天造雲斤月斧磨  
玲瓏踏天下割碧雲髓往往霹靂驚蛇龍冰蠶吐絲織新就羅文光瑩  
浮青銅人間何處用此物造化欲付文章公先生早晚運椽筆判花視  
草蓬萊宮手揮五色補天漏放開白日消陰虹坐令萬物無疵癘盡從  
筆底生春風此時濃墨書大字正須巨石相追從願公收拾此至寶相  
伴他年參化工

嘲費似道

汪紫巖

曹秋壑魏公爵台州鬼俗稱台鬼樓州鶴氣色驕逞才畧欺天罔人



老松葉間風所藏露氣引風風正強吹雲去作何處雨餘力猶能爲此  
涼來從月裏覺愈爽助以溪聲聽更長稚牀撫几喜欲絕赤日杲杲升  
扶桑

韓蘄王湖上騎驢圖爲王孫亦顏賦

方虛谷

取日虞淵戰臨平鼓起金山麾伏兵旣不畫此背鬼軍陣形國容貂蟬  
佩葱珩軍容金甲馬朱纓又不畫此生面真儀刑昔王不肯專樞庭清  
涼居士以自名散遣萬騎還屯營獨控長耳遊林垌林間坐石樵叟爭  
不無醉尉呵夜行孰識朱門抗旄旌王孫妙年萬事輕欲蹈箕頴遺浮  
榮龔侯淡墨勝丹青作此灞橋風雪征龍變不測入中英諦觀豈是寒  
書生丈夫出處吾能評不可長劔卽短檠得時用世身名亨否哉履道  
幽人貞亦顏用意何崢嶸大司馬侃孫淵明

過五嶺短歌五首

方虛谷

平生所聞芙蓉嶺上如攀天下入井老乃來遊殊不然褰裳須刻升絕

頂南嶺大庾鵲啼北度居庸朔風冷客行到此例淒酸我已恍惚夢  
中云視險如夷兮要深省君不見芙蓉一嶺今已過我但慢行君奈何

右嶺

千鈞巨石百十萬亂峙橫堆塞山澗故令流水作嗚咽行人厭聞猶喜  
闕芙蓉非花鏡非鏡無可充君耳目玩第一嶺望二三嶺蜿蜒似作長  
蛇緩努力向前兮不須嘆君不見老夫足跟半天下臨危豈是趨趨者

右嶺

客謂老夫今老矣胡爲尚落空山裏千艱萬難百不平上嶺下嶺不自  
已此嶺第三未爲險獸心之人險於此乾坤一紀戰旗紅偶脫亂離身  
不死流可無行兮坎卽止君不見羊化爲石關卽休兩角蝸爭何所求

右嶺

第四嶺頭分兩邑相背無情水流急浙河東下彭蠡西到海終須合爲  
一海東聞有沃焦石萬國之水不供吸世故人心千百岐有生必死終



無跡焉用皇皇今仍汲汲君不見塔嶺之塔焉在哉不如有酒傾金壘

混沌何年分宇宙天地日月常如舊如舊之中却常新一點何曾受塵  
垢誰鑿此山為捷徑爭利奔名足馳驟新嶺終無可舊時燠不加肥寒  
不瘦行人自無兮百年壽君不見嶺頭日日吹征塵剩有新入無舊人

新

温公墓碑老杏圖詩元序云司馬文正公之葬也初命蘇文忠

德之碑未幾仆於羣儉之口嗚呼邦國殄瘁固其額曰清忠粹  
斷碑之辨隨有杏生焉盤屈蓋偃擁其龜跌若非偶然者金皇  
統間夏邑王令及墓僧建祠修復老杏迄今二百餘年矣而無  
恙白雲翁家與之隣益用封植繪而為圖皇慶之元翁以平章  
政事預國論議留京師乃出是圖及修  
復之碑以視廣平程某序之遂為詩曰

程文憲公

吾聞精誠可以貫金石誰謂草木真無情君看穹龜涑水上老杏布護  
數百齡風枝雨葉擁幢蓋陰森若有神物馮涑水先生三代士青春行  
天和且平問學深探古人曠德化與元氣并蘇公雄文照四海比較

當世惟重經學碑俯仰護興廢百仆不奪二老名由來宋祠祀中葉已  
在紹聖非崇寧夏臺大夫猶好事異國肯與扶顛傾古祠香火今幾載  
大字深刻羅軒屏何人卜居占此土白雲老子今疑丞摩挲往事起惆  
悵表顯更為圖丹青乃知天地崇至誠陳根斷石猶龍靈此心豈有古  
今異遺跡試向天人徵

送王義父還黃陂重建河南書院

程文憲公

少年疋馬遊淮浦雙鳳亭前憶同譜黃陂老尉有佳兒伊洛泔滄接東  
魯黃州精舍久寂寥河南故號無今古江漢奔渾想源委宇宙塞關凡  
規矩惟有中書白雲老幾度扁舟為凝竚忠賢撫跡意無極怗愾伊誰  
闢榛莽郡人好事主義父手擲千金如糞土去年赴調來京師邂逅乃  
與中書語願公早歸白雲下看我崢嶸抗新宇我有良田二百畝永與  
諸生共勤苦京師聞者皆嘆息磊落新篇慰羈旅期君努力成此志坐  
為江山發矇瞽文光夜插翼軫寒聖道春融天地溥待君業就當識之

盛事千年照淮楚

送鄭子美入黃山讀書

王菟菴

三十六峯天下無雲彩摩刷煙花敷靈秀中蓄物產殊青琳瑤碧紅珊  
瑚丹泉陰湧崖不枯一浴能已瘍非膚異人間見仙佛徒或傳笙鶴來  
天都所未見者當代儒鄭子特立奇丈夫山英馳移風掃途文豹夾轂  
羗前驅兼乘載書從以奴入山期作三年劬出山致用禪唐虞夫豈慕  
彼山澤癯嗟尔陋學守一隅決策用舍差智愚謂已狡猶賢聖于非子  
傑出牢鍵樞頽波徹底歸淪鋪古人凜凜開前模巨廬長白道不孤明  
年尋子鞭瘦驢荒蹊絕澗窮紫紆子長眉青我白鬚點頭談道相攜扶  
好事畫入黃山圖

長歌贈王子敬

王菟菴

君不見三尺利劍冠峩峩儒服擾擾何其多豈知東方有一士芙蓉爲  
佩衣薜蘿又不死珠玑翠翹顏玉燁不刺繡文長倚戶豈知空谷有佳

人三角髮鬢羞粉汚東方之士天與竒獨立四海心無同空谷佳  
尤薄淒風吹破秋雲暮平生相聞不相見九度奇書青鳥倦偶然  
向空中却似雲開觀天面蒼龍爲駕青峴嶺綠鳳舞前長離回眸  
掣一萬里奄忽上下東西馳自古崎人多晦跡只處人羣人不識長歌  
送子山悄然歷亂春愁芳草積

送張子經遊吳宛陵并寄仲退郡博

王菟菴

吳中勝賞幽探遍歸來音雜吳音半翻囊神怪驚倒人截得赤烏龍一段  
東遊三十峯東宛溪春水流青銅草生太白醉眠處山列謝公窻影中  
江湖廟廊誰在許白髮故人應識汝遙知燕坐書滿牀雞下五更連夜語  
敬亭山與浮雲齊諸賢日窮攀躋拍琴試聽綠水曲黃鸝書寂青猿啼  
先生命題追和古栢行

許古清

夔府羈懷悲病栢更尋廟栢摩牲石惠陵遺恨國三分丞相英姿身八  
尺伊人雖往寸心在大義未伸千載惜月暗叢祠鬼火青霜寒鮮樹龍

麟白巴江滔滔日夜東荆榛蕭瑟永安宮  
虎蛇行陣頑不動魚水際會俱成空  
老皮暗泣英雄雨香葉尚鼓旌旗風  
乃知扶持殆天意未必呵護勤神功  
侯生合作明堂棟侯沒猶爲雪山重  
魏宮晉殿總銷沈楚舞巴歌代迎送  
悠悠華表愁歸鶴黯黯蒼梧棲老鳳  
猶恐風雲滅石根臥龍奮起當天用

吟社詞盟黎芳洲延瑞批云和者百餘人此卷韻安意貫結語亦奇殊不易得

唐筠軒

蚤吟蚤吟促機杼念尔愁牽千萬緒  
如何也遣達官聞月影郵亭自來  
去啾唧草根多幾家機杼空長梭短  
襦不掩脛骨冷瘡土禾低饑奈何  
皇華使者行原隰斟酌民情寬賦籍  
感時撫物一凄然豈比寒生操翰墨  
蚤吟雖小入幽風曾識東山赤鳥公  
道須兼禮扶明主明朝且聽隨車雨

次韻黃總管十一月望月蝕

唐筠軒

天門虎豹猛莫當二十八宿森其傍  
妖蟊輪囷怒腰強敢負膽氣吞嚙  
光山城霜冷夜未央高人起視懷感傷  
戶一老桂千丈長古人老魚  
相望吳剛斫桂月窟藏曷不斧彼妖  
蟊亡天人受職鳴琳琅樞機萬象分  
低昂誅篡投界無何鄉專車肯粉令  
風揚月行九道邦家昌天育不復求  
醫王

臨平書懷時汪謙甫同舟入杭秋試

唐筠軒

臨平寺前煙水昏鐘聲隱隱搖山門  
篙師繫纜古松下坐對月色波中  
翻年光盡付旅瑣瑣西風微動菰蒲  
根居人燈火自喧雜稍憶學語吾家  
孫秋田已穫粳米白浮蛆老甕山妻  
溫一錢不直客羶冷出門大類三家  
村平生心友喜在眼襟期稍許中宵  
論誰憐老氣尚耿耿跛鱉強逐南溟  
鯤

寄周師李

許仲鵬

仙人昔着宮錦袍乘月夜泛金陵舸  
仙人一去何寂寞三百年來無此  
樂黃樓月明披羽衣遊人吹笛樓前  
歸解鞍共醉明月下此樂近來誰  
繼者冲山涼月夜來新肺肝冰雪秋  
無塵先生短衣帶席帽踏歌童子

前村道前村道傍行人稀前村竹樹燈火微過門期見周公子乘興直  
來興盡已先生本是高陽徒夜深猛飲何處酤直欲一吸西江無

行客吟

汪尚志

行客夜投尚元館殘雪半消石橋斷蹇驢載客二更歸夢不到家寒夜  
短落月在地人已行帶月來往聞車聲

贈程剛中

王彥恂

剛中信多奇吹簫更清絕有時來往踞山中宵宵清聲雲外發山人不  
識共觀之何許神仙弄明月蒼龍出海吟寒雲紫鳳凌風下丹闕君家  
博士真可人十年結屋松花春請君夜半發逸響妙語灑灑開天真我  
生所嗜尤奇僻塞耳不聞箏與笛興來開卷爲君歌繞屋松篁撼金石  
人生浩蕩誰能識美人欲望終無極何時攜酒弔蘇仙赤壁磯頭翫秋  
色

題洪舜民詩卷

程黶南

洪生生長黃山下日日見山如見畫笑拈秃筆點蒼茫老樹孤煙入平  
野人言洪生師授妙趣神機天所假前身羊祜有識環不是詩人須  
畫者衆中爭傳一二紙已覺黃金未當價如何作吏廢此事破帽紅塵  
面如赭古來意欲不求似誤點成蠅亦堪咤炎天梅蘂雪中蕉牝牡驪  
黃定非馬我家山房最幽絕脩竹當門花覆瓦果能弄筆起清風十幅  
驚溪待君寫

題齊叔良飲馬圖

程黶南

昔年飲馬長城窟白草翻風皂鷗沒胡兒十歲手足鮮勝上鵬鞍橫馳  
突秣今馬長骨亦高胡兒束髮頰上毛猶得朱衣爲旣吏木盆盛水慰  
前勞

耕讀堂爲鮑伯原賦

張子經

我家藏書數千卷頭白讀之猶未徧况無負郭二頃田夜半飯牛歌粲  
禪西隣老翁家更貧鋤頭犁耙隨秋春常恨半行不曾讀欲記姓名須

倩人二者天公不輕予自昔幾人兼得取有書可讀又躬耕谷口南陽  
才比數鮑君風神秀紫髯多田也復多牙籤高堂勝之以耕讀寤寐千  
載師陶潛陶公心事義皇歸來但喜桑麻長周王傳與山海經懷此  
良辰伴孤往黃山崔嵬有佳氣鮑君長保山林味莫學挂書牛角帶經  
鋤稻爲一朝資富貴

破紅巾

吳克敏

君不見蕪黃兒紛紛白馬張紅旗去年陷湖北今年陷淮西遂令深山  
之民皆帶甲四海頌洞含瘡痍堆金積玉亦何有畧地攻城徒爾爲又  
不見黃連寨左帶溪山右淮海天兵如日照雪霜百萬紅巾一朝敗親  
王按劍定中原丞相分兵救吳會邊人不識韓將軍極口爭誇鐵元帥  
八座東開吳嶺關羣偷欲度愁躋攀奇兵間道絕歸路可憐白骨高如  
山桂林老臣再徵起坐鎮西垣幾千里昨聞餘黨犯其鋒血作龍沙半  
江水南方搖獠勇莫當自謂效義收斬黃賊徒一見龍興騰壁壁不出

知天亡諸君力盡在此舉巢穴不平鼠爲虎相期麟閣畫丹青却憶虞  
廷舞干羽楊鐵崖曰克敏諱予七者寮出其所謂詩予奇其人適垣府  
無幾遂統士會諸軍於五關予聞而益奇之其才勇  
忠義實得於天性則知嚮所爲詩皆筆積之餘耳

贈邵思善

吳克敏

有客有客青門生六月訪我新安城手把溪藤白如雪坐石看山苦炎  
熱揮毫戲寫兩株松滿坐颯颯生秋風高枝屈曲古釵碧老樹剝落莓  
苔蝕寒霧斜披虎豹毛元氣淋漓神鬼號下有山童相對語赤脚披蓑  
立煙雨丹青自昔稱郭熙筆力似欲爭絕奇嗟哉此松澗之曲知子一  
見神意足于今豈無梁棟材未遇匠石吁可哀

黃山採藥圖爲汪山人賦童中剛辭

方誠甫

汪翁黃山人酷愛黃山好結廬自昔依黃山慣向黃山事幽討昨夜東  
風吹雨晴連峯曉張雲錦屏石林旭日靜掩映茆屋踈煙深杳冥開門  
見山動山癖急理平生上山屐薜蘿衣裳烏角巾遠觸林巒蒼翠滴小

橋細路彎復倚抱琴童子長相隨松間或共木客語石上每與仙人期  
擷芳掇秀滿筐得山鬼驚呼猿鶴戚寸長九節菖蒲青斗大千年茯苓  
赤歸來月色澹庭戶細搗玄霜聲杵杵傾觴對月樂未央富貴浮雲奚  
足數何人好事寫作圖使我展翫增嗟呼投簪使欲歸華嶽未必黃山  
獨可居

奉簡樵水黃先生

詹承旨

黃鵠山頭雲滿樹黃鵠山下風生渚高人獨立天地間手把幽蘭灑春  
雨憶昔天門金榜開談王說霸稱奇才清名倏忽響中外迅雷海上隨  
潮來奎壁文光射箕尾照耀衡湘數千里笑騎曉月拂天星散落明珠  
滿秋水天風吹作簫韶聲五色雲中鳳孤起鳳兮鳳兮雲漢章豈弟君  
子不可忘我欲薦之太古雪酌以玄酒梅花傍

送夏通守考績

詹承旨

大別山前十載前夏君與我居相連夜衝風雨岳陽去歲寒共被同官

船將軍不受徵賢檄怒氣如雲劍光赤與君脫却虎口還呼酒江樓喜  
何極一朝君往吳芮城我留江漢多離情乃翁相對頭總白向我涕泗  
時縱橫老天垂顧復相見祿養疴江遂君願人間萬事一杯棋歲月驚  
心去如電棠陰有政瓜有期天光下照朝龍輝銓曹已揮上老筆微民  
再立遺思碑長干橋下潮水長梅雨蒲風未晴朗嗟予老矣最難別愛  
爾玉鏡懸秋爽黃堂佐郡如昔時得戲彩衣歌壽祺應念老翁懷故里  
廬山西南多紫芝

訪弟長沙霍元瞻雪夜爲作秋山圖

詹承旨

我愛霍元瞻清標如玉雪蒼松立石崖白鶴鳴海月瘦馬衝寒冰在鬚  
日暮去訪元瞻居高堂中夜燒長燭爲我寫出秋山圖墨池水凍筆如  
槩使我見之喜且愕雲氣忽從衡嶽來雨聲似向瀟湘落二客蘭舟泊  
遠沙一箇茅亭在陰壑感君厚意不可量我欲酬爾明珠璫曾傳祠前  
相別去挂在鵠山青草堂

古箭渡夜談贈金元忠

趙東山

相逢歲晚詩更誦燔盡枯槎談愈縱短茨低覆結冰花寒壓溪雲不成  
夢竹帛煙消黔首愚紫芝一曲老商於坑外竟逃真學士浮丘雅頌濟  
南書

楊行密疑塚

趙東山

荒郊石羊眠不起枯塚疊疊各相似海陵克骨無人收豈有兒孫來孽  
紙幾堆空土效曹瞞百戰江南帝徐李龍山突兀表忠祠至今老父思  
錢氏

讀阮嗣宗詩

趙東山

明月照北林孤鴻有哀音攬衣起坐彈鳴琴憂思徘徊獨傷心可憐堂  
上生荆杞空自繁華榮沈李種瓜寂寞青門外采薇悵望西山趾芒碭  
雲歸大澤空後五百歲無英雄途窮慟哭誰知者沈湎狂言元自公  
贈呂仲善之北平搜訪遺事

趙東山

龍庭返騎如飛煙真人端拱收中原北平圖籍載連舸挂一漏萬無完  
篇妖星夜斗躔奎宿山川千載還清淑國書不使外廷傳翰林青簡空  
如玉監殷監夏思前車詔起羣儒當疾書皇家制作貴傳信未許太史  
徵無且舊事遺文更搜訪狼籍幽燕藉君往五車上送見書成一代興  
亡如指掌

題道士張湛然彈琴詩卷

汪環谷

嶧山白桐千年枝金星爛爛蛇蚶皮文光七軫水蒼玉冰絃細繞吳蠶  
絲丹山雲暖鳳凰語露草寒蛩訴秋雨娥英泣灑湖筠斑遷客相逢話  
羈旅翠巖懸瀑鏘瓊瑤春霆霹靂轟層霄瞥波細泚游蕩漾擊空輕絮  
飛飄飄仙林唳鶴驚離別老龍秋底吟寒月海門送上子胥潮澎湃奔  
騰捲晴雪羽人瀟灑顏如仙馮虛來往黃山顛古音淨洗箏笛耳何須  
更濯丹砂泉

豪梁行奉

制賦送太師韓國公還鄉

汪容峯

龍飛濠梁起淮甸肇基金陵酣百戰誅陳夷張安東南北定中原疾如  
電秉旄仗鉞清朔方拱手垂衣正南面泰山若礪海涵天黃河如帶江  
澄練聲威遠布來夷戎海隅西  
天閑中

聖皇文德被海宇天產英傑開勳庸中山關平奮武烈內輔太師韓國  
公太師始由刀筆舉羣雄紛華識具主麾之不去情愈親日獻訂謨闡  
丕緒不矜不伐仁者心克儉克勤前哲矩平生讐怨那報酬諸將勞能  
誰毀譽百師庶務無稽留剡繁治劇還優游

聖皇推誠重委託太師悉力宣王休漢比蕭曹豈異績唐旣房杜稱嘉  
猷光輔功成請身退錫爵頒養先公侯白髮朝 天喜強健彤庭從容  
頻錫宴一朝鄉里錦衣榮千載勳名百史見太師恭慎人罕侔  
聖皇顯佑誰能先舊基甲第新凌雲內府金錢表深眷

明庭盛典須詠歌謾從館閣徵文獻

玄石行爲貢尚書賦

鄭樞卷

尚書階前有玄石流落江湖舊曾識當時從者惜餘貲今日移來乃神  
力初看尚爾混泥沙熟視灑然供拂拭黑雲風斷湧峨眉紫氣霞開見  
靈壁終朝靜坐無磷緇扣之則應聲相隨梅花點點上烏几柳絲綿綿  
紫硯池湘沙驚落孤鴈驚東海躍出生蛟螭千年誰鑿混沌竅半夜誤  
擊珊瑚枝人生遇合還如是尚書感慨親留記姦容麗質豈高人錯節  
蟠根知利器坡仙空作仇池夢愚翁信遂移山志爲公歌此玄石行颯  
颯霜風動寒翠

和吳生維新

唐白雲

老來懶吐驚人語水落寒天露沙渚蚤年枉費館飭功謾把紅花嬌青  
藥后山景慕雙井黃平生袖有知見香而今豈道付絃絕可憐歲月空  
茫茫庭前葉響雨三尺枯樹蕭蕭含凍濕憑新句落蠻箋使我起坐



三太息要知宵次空中樓八風不破橫江秋紛紛英雄起南北每爲咄  
咄生閑愁昨夜如盤月未落街頭美酒堪醉樂何須苦羨返舟人如此  
敲門亦不惡蘇軾詞曰唐詩讀詩

見鄉人程大

任本立

少年策馬辭鄉邑落魄天涯幾秋色三山昨遇故鄉人不見姓名應不  
識布衣拂却江海塵相看感嘆念情親昔春作客無遠近白髮從軍多  
苦辛以茲失路誰相顧我向東留子南去歸夢不離滄海雲邊愁遠桂  
青楓樹楓樹家林隔海天百年聚散一茫然簪纓故舊應誰在萍梗江  
湖祇自憐臨岐執袂思傾倒明朝又別關山道心隨斷鴈向斜陽愁對  
離憂醉芳草虛舟王公無日本立白首從戎故辭調多悲苦

思傑孫兄製纒冠見惠聞有作詩來者無不與因謝之而再有  
請也

黃後圃

孫郎不惜湘竹春霜乃剪雪仍裁筠鍼紉火揉自常巧作冠專贈能詩

人清風脩然入我鬢制度簡古無纖塵斑斑輕纒掩鶴髮蕭蕭冷欲生  
龍鱗佳名千載說劉氏因彼聚鵲災其身烏紗白紵雅相稱欲報愧乏  
瓊琚珍南薰長養萬竿玉撥拾錦綵盈筐新敝子改造煩妙手絕纒一  
笑儒生貧

題黃石汪茂卿溪山小隱卷

朱禮侍

漸江天際來如絲逶迤下繞孫王祠兩岸青山如走馬勢與江水俱馳  
下踈煙遠近見村墟茅屋竹籬皆入畫汪君家居溪上村雲煙水石供  
晨昏田園歲入了官賦足跡不到王侯門溪魚入市充盤餐啄黍有鷄  
窠有豚論文痛飲醉方已高朋滿座無空尊秋風蕭蕭歲云暮奔走誰  
能免公務乾坤如許恨身多何況持家立門戶寫畫題詩良獨苦夢龜  
想像無由睹我欲作詩奉

明主直挽高風返淳古四海蒼生各安堵

無脚雞

山行見田家伏雌無脚鼓翼而行詢

范平仲

羣雞唱罷山月落一雞我冠却無脚  
膈膈膊膊轉雌聲乃與雄雞相對  
鳴有翎飛不高無足胡能行徒爲  
孔晨禍家庭羽毛之孽何由生氣  
運乖非祥禎德輝之鳥翔千仞安  
肯下食共尔相喧爭

秦銷兵

呂德昭

掃平六國羸秦強盡以四海爲封疆  
焚書欲止世俗議銷兵誓使英雄  
藏刻嚴法令銷兵器青萍結綠無  
逃避不知世有卯金刀光芒未露  
全鋒銳咸陽宮火三月紅卯金躍  
冶初陶鎔神器於斯百煉就智勇  
忠義爲鐔鋒當時三傑與磨拭不嗜  
殺人天下一項籍才能敵萬人摧鋒  
却向烏江泣秦知銷兵致太平不  
施仁政蘇蒼生但恃法律酷刑戮  
反使黔黎知用兵鮑魚風腥祖龍  
死兵戈又向蕭牆起千年帝業付  
炎劉十二金人夕陽裏

挽余廷心

余子韶


陰霾夜吞小衡嶽天柱峯推將星  
落鐵鷲赤旗環城郭坐見蒼生紀

苗垂龍鬚我生本是山澤叟隱居林樾同凡夫昂霄登壑日在望號雨  
呼風時與俱只今廊廟重締構梗楠杞梓當貯儲按圖工師倘所取意  
營目盼增嗟吁

池陽種田歌贈撫州仰千戶

程文通

甲兵洗淨西江塲荷鋤來種池陽田轅門楊柳春寂寂照野禾黍秋  
辛細糧早送輸官船無事三軍同晏眠閒向湖邊牧征馬收穫已竟牛  
羊下功高早糞千戶侯豈是尋常種田者晨煙吹起遠聲清依稀風景  
臨川城朝窮東阡暮南畝一卷兵書不離手兵農起伏應時明古來將  
帥君知否君知否金印腰間大如斗



三十三卷

七

五

南